

Bosna i Hercegovina
Federacija Bosne i Hercegovine
Zeničko-dobojski kanton

Općinski sud u Zavidovićima
Safvet bega Bašagića bb, 72220 Zavidovići
ID: 4218418200006



Centrala: +387 (0) 32 878 344
Predsjednik suda: +387 (0) 32 868 550
Fax: +387 (0) 32 868 550

Odjeljenje suda Maglaj: +387 (0) 32 604 223
Prekršajno odjeljenje Maglaj: +387 (0) 32 603 084

Broj: 042-0-Su-26-001317
Zavidovići, 07.07.2026. godine

1. Visoko sudsko i tužilačko vijeće BiH
Sarajevo

2. Kantonalni sud u Zenici

Predmet: Izvještaj o poštivanju optimalnih i predvidivih rokova u Općinskom sudu u Zavidovićima za period 01.01.-30.06.2026. godine;

Analiza pokazatelja iz statističkog izvještaja o poštivanju optimalnih i predvidivih rokova

U izvještajnom periodu, od 01.01.2026. godine do 30.06.2026. godine, u Općinskom sudu u Zavidovićima riješeno je ukupno 1766 predmeta koji su obuhvaćeni izvještajem o poštivanju predvidivih rokova (CMS). Od toga, u predvidivim rokovima riješeno je 1145 predmeta, dok je sa prekoračenjem predvidivog roka riješen 621 predmet. Ostao je neriješen još 1461 predmet, od toga kod 1038 predmeta nije prekoračen predvidivi rok, dok je sa prekoračenjem predvidivog roka ostalo neriješeno još 423 predmeta. U Optimalnim rokovima riješena su 702 predmeta, dok je neriješenih predmeta sa prekoračenjem optimalnog roka ostalo 782.

Iz gore navedenih podataka proizlazi da je Općinski sud u Zavidovićima u predvidivim rokovima riješio 64,84 % predmeta dok je sa prekoračenjem predvidivih rokova riješio 35,16 % predmeta. Od neriješenih predmeta nije prekoračen predvidivi rok u 71,05 % predmeta.

Najviše odstupanja u predvidivim rokovima zabilježeno je na izvršnim predmetima. Optimalni rok prekoračen je u 291 nezavršen predmet, dok je predvidivi rok prekoračen u 226 predmeta. Bez prekoračenja predvidivog roka ostalo je 316 predmeta. Glavni razlog prekoračenja optimalnih i predvidivih rokova u izvršnim predmetima je sama složenost izvršnog postupka, otvaranje više faza (promjena sredstva izvršenja), preopterećenost sudaca sudskim predmetima ...

Ovdje treba napomenuti i da su dva suca bila duže vrijeme odsutna zbog bolovanja, da je jednom stručnom suradniku prestao radni odnos u ovom sudu zbog imenovanja za suca u drugi sud, što je uvelike utjecalo na poštivanje optimalnih i predvidivih rokova.

Analiza raspoloživih resursa

Pravilnikom o unutarnjoj organizaciji i sistematizaciji radnih mjesta u Općinskom sudu u Zavidovićima predviđena su sljedeća radna mjesta:

- 1 predsjednik suda
- 8 redovnih sudaca (šest u Zavidovićima i dva u odjeljenju u Maglaju)
- 4 dodatna suca (dva u Zavidovićima i dva u odjeljenju u Maglaju)
- 3 stručna suradnika (dva u Zavidovićima i jedan u odjeljenju u Maglaju)
- 5 državnih službenika
- 1 dipl. pravnik – pripravnik
- 2 volontera-pripravnika
- 42 namještenika

Radi ostvarivanja funkcije suđenja i odlučivanja o predmetima iz iste pravne oblasti, praćenja i proučavanja društvenih odnosa, pojava i problema sudske prakse u Općinskom sudu u Zavidovićima osnovana su tri sudska odjeljenja i to:

- Kazнено sudsko odjeljenje ,
- Građansko sudsko odjeljenje,
- Prekršajno sudsko odjeljenje.

Od sistematiziranih 9 redovnih sudaca, uključujući i predsjednika suda, 4 dodatna suca i 3 stručna suradnika, 2026. godine, u ovom sudu bilo je imenovano 9 redovnih sudaca i 2 stručna suradnika. Jedna sutkinja je imenovana za sutkinju u Okružni sud u Doboju (još nije preuzela novu funkciju), dok jednoj sutkinji ubrzo prestaje radni odnos u ovom sudu zbog odlaska u mirovinu (napunja 70 godina starosti).

Dva stručna suradnika su imenovana u drugi sud na poziciju sudaca, jedan od njih je preuzeo novu funkciju sa danom 03.03.2026. godine, dok je drugi preuzeo novu funkciju sa danom 01.07.2026. godine.

Isto tako, jedan sudac je dao ostavku zbog odlaska u mirovinu (napunio je 67 godina starosti), te ovaj sud, osim već gore navedenih nositelja pravosudnih funkcija, ostaje bez još jednog suca.

Stvarni broj zaposlenih državnih službenika i namještenika u ovom sudu prikazan je u Tabeli o strukturi i broju zaposlenih kako slijedi:

Tabela o strukturi i broju zaposlenih u Općinskom sudu u Zavidovićima

Rukovodeći državni službenici	Ostali državni službenici	Namještenici	Ukupno
----------------------------------	------------------------------	--------------	--------

1	3	32	36
---	---	----	----

Nepopunjenost svih radnih mjesta u Općinskom sudu u Zavidovićima, koja su predviđena gore navedenim pravilnikom, znatno utječe na ukupan rad suda, a time i na mogućnost poštivanja optimalnih i predvidivih rokova.

Razlog kadrovske nepopunjenosti u ovom sudu leži u činjenici da Ze-Do kanton nije mogao u Budžetu za 2026. godinu osigurati sredstva za plaće potrebnog broja službenika suda.

Usprkos svim navedenim poteškoćama i problemima očekujemo da ćemo do kraja 2026. godine ostvariti bolji procent rješavanja predmeta u optimalnim i predvidivim rokovima.

Analiza „perioda neaktivnosti“ u predmetima

Nakon analize statističkog izvještaja o poštivanju optimalnih i predvidivih rokova, u periodu od 01.01.2026. godine do 30.06.2026. godine, prema stanju u CMS-u, u Općinskom sudu u Zavidovićima uočeno je da je u pojedinim predmetima došlo do prekoračenja optimalnih i predvidivih rokova.

Najviše odstupanja u predvidivim rokovima zabilježeno je na izvršnim predmetima. Optimalni rok prekoračen je u 291 nezavršen predmet, dok je predvidivi rok prekoračen u 226 predmeta. Bez prekoračenja predvidivog roka ostalo je 316 predmeta.

Kada su u pitanju nezavršeni prekršajni predmeti optimalni rok je prekoračen u 245 predmeta, dok je predvidivi rok prekoračen u 86 nezavršenih prekršajnih predmeta. Bez prekoračenja predvidivog roka ostalo je 332 predmeta, odnosno 79,43 %.

U 127 nezavršenih predmeta sa oznakom K, zabilježeno je prekoračenje optimalnih rokova u 79 predmeta, dok je predvidivi rok prekoračen u manjem broju predmeta. U 51 nezavršen predmet sa oznakom Kps zabilježeno je prekoračenje optimalnih rokova u 31 predmet.

U ostalim sudskim predmetima nije uočeno prekoračenje optimalnih i predvidivih rokova u značajnijem broju predmeta te ih posebno nismo obrazlagali.

Niz je razloga koji su doveli do navedenih prekoračenja optimalnih i predvidivih rokova. Naglašavamo da su pojedini postupci veoma složeni i iziskuju dosta vremena do njihovog pravosnažnog okončanja zbog određenih nepredvidivih procesnih razloga kao što je: izvršenja na nepokretnostima koje nisu upisane u zemljišne knjige, traženje prekida postupka zbog odgode izvršenja od strane tražitelja izvršenja, neodazivanja stranaka i branioca po pozivu suda, problemi sa utvrđivanjima adrese stranaka, predlaganja novih dokaza od strane stranaka u kaznenim postupcima, nedostupnost stranaka, pasivnost tražitelja izvršenja u izvršnim postupcima, složenost predmeta i sl. Kao razlog prekoračenja optimalnih i predvidivih rokova kod rješavanja predmeta bitno je napomenuti i činjenicu dužeg odsustvovanja pojedinih sudaca

zbog bolovanja, kao i imenovanja nositelja pravosudnih funkcija iz ovog suda u druge sudove, što je znatno utjecalo na rješavanje predmeta u optimalnim i predvidivim rokovima. Na koncu, jedan od razloga dugotrajne neaktivnosti u predmetima može ležati i u činjenici individualne loše organizacije posla i referata od strane sudije, neblagovremeno postupanje po iznesenim sudskim spisima, nekorištenje funkcionalnosti koje CMS pruža.

Prijedlog mjera

S obzirom na sve gore navedeno smatramo da bi popunjavanje svih upražnjenih radnih mjesta u ovom sudu znatno doprinijelo skraćivanju predvidivih rokova i približavanju istih optimalnim rokovima. Također ističemo da bi i iznalaženje drugačijih zakonskih rješenja (bolja sistemska riješenost naplate novčane kazne i izvršenja lišenja slobode u prekršajima i dr.) moglo doprinijeti rješavanju predmeta u predvidivim i optimalnim rokovima. Na sjednicama sudskih tijela se naglašava potreba pooštavanja sudske discipline kod odgoda ročišta i neodazivanja pozivima suda. Kad je u pitanju individualna loša organizacije posla i referata od strane sudije, sud preuzima mnogobrojne mjere kako bi se ova ponašanja prevenirala: kontrola blagovremenosti postupanja od strane predsjednika sudskog odjeljenja i predsjednika suda, redovno podnošenje izvještaja od strane sudije o predmetima koji se ponavljaju u Planu i nenapisanim sudskim odlukama, pomoć IKT službenika u „čišćenju“ zadataka u CMS-u, izvlačenje izvještaja o predmetima u kojima je protekla evidencija i u kojima duže vrijeme nije poduzeta ni jedna radnja.

S poštovanjem,



Predsjednik suda

mr. Boris Sunarić

Prilog:

1. izvještaj o poštivanju predvidivih rokova iz CMS-a

Dostaviti:

1. Visokom sudskom i tužilačkom vijeću BiH;
2. Kantonalnom sudu u Zenici;
3. Web stranica ovog suda;
4. a/a